

**Kiṅwakti ki kōmsini kə Bəəl nī
nyaka i
Timōti
Gia yə yi kə i Kiṅwakti ki Timōti
ki kōmsini kələ mə**

Kiṅwakti kələ kə ki kōmsini kə Bəəl nī nyaka i Timōti. I kiṅwakti kələ mə a duki tsəki bəntəfi bə Bəəl nī nyaki i Timōti ka mi wə bə wi nəmki, wi gamti wi. Wi dzaka tsəsi kəm bəh ṅkaṅa wi shəm. Wi təfi Timōti a wi tsəki a ninshij bəh nəm wə wi nəmki i Jisəs Klistus bəh shəm yi yimu, bəh a wi kāṅa ndzəṅ nłani wi chəṅ wə wi kə wi ntum wi ndzəṅni bəh wi miṅkaiṅ mikpu na bindzəṅ. Wi təfi tə wi, a wi fəki nəm wi ka mi wi lanini bəh ka mi wə wi nyaniki fukuki gia yi Nyə bindzəṅ kəṅ wi yeiṅki bəṅgəkə na dəiṅ, nabə a, kəṅ bəni waliki wi na dəiṅ.

Bəəl kiṅ tə i Timōti a wi dzəki jəbi i bi ma jlə kaṅ yi i “Bəṅgukuli bə kiyuṅ bə kilələ” (2:23). I gia yələ yichi wə wi nī yinṅiki Timōti a wi sini dzə nənı i ṅgaiṅ.

Kifwu ki gia kə ki kə i Kiṅwakti kələ mə

1:1-2 Kiṅ'yisi

1:3–2:13 Bəəl nya kiyəṅni i Nyə kəm Timōti chu shili shəm yi

2:14–4:5 Bəəl təfi Timōti

4:6-18 Bəəl dzaka kəm gwu yi

4:19-22 Kiṅgəksi

¹ Akə mih Bəəl, mih kə waiṅ ntum wi Klistus Jisəs i kiṅkəṅ ki Nyə wə. Yələ biəli kiṅkaka kə ki kə kəm nənı kə ki bi tsə kaa kə, ki kə i Klistus Jisəs wə.

² Mih nyakaki kiŋwakti kələ i wə Timōti wain wuŋ. Wə kə shəm yin.

Nyɔ Ba bəh Klistus Jisɔs wə Bah wibukumbeyŋ chūsi shəm yindzəŋni i wə, kwāsi nsheyŋ i wə, nyā wə bəh kimboiŋni.

Bəal nya kiyəŋni i Nyɔ kəm Timōti chu shili shəm yi

³ Jɔbi wə mih si kwaka wə jɔbi wichi nchəkə bəh nshi i ntsa wuŋ wə mih ka nyaki kiyəŋni i Nyɔ wə mih nəmki i wi gia yidəkə saka kə shəm yin, a num ayaka si bəba nī nəmki.

⁴ Jɔbi wə mih si kwaka tə mindəm mə wə nī shisiki jɔbi wə buku wə nī gaaliki, dzəŋ ya ka wəɔki mih a mih yeyŋ wə, ka shəm yin jikə bəh kinsanli.

⁵ Mih si kwaka lə tə kimum ka ki ŋkəŋ kə wə kaŋaki. Kimum kələ nī yisi kaŋaki nih nih wa Ləys bəh nih wa Yunis, mih kiəkə lə məŋni kə a, akə ki wə kaŋaki i liə.

⁶ Akə gia yə mih nəŋki i yinŋti wə a wə fləni yəmi i kinya ki Nyɔ kə ki kə i wə mə, wə fiki yeyŋ beyŋ aka gbuku. Kinya kələ kə kə wə nī kwati i jɔbi wə mih nī jiə kaŋ yin i wə wə.

⁷ Wə kiəkə a Nyɔ nī ka nya kiŋ'waka i bukumbeyŋ a num kə ki fəki a bukumbeyŋ kaŋaki nlwa. Wi nī nya num kiŋ'waka ki ŋga bəh ki ŋkəŋ bəh kə ki fəki bukumbeyŋ kiə i təkniiki bəh gwu yibukumbeyŋ.

⁸ Ayakadəŋ, ma gəmniki i dzākaki i bəni bədəkə kəm Bah wibukumbeyŋ nabə kəm mih wə mih nəmki nsəŋ kəm bə wi. Ayakalə, wə wəkə tə ŋ'wa ŋgəkə i ntum wi ndzəŋni wələ bəh ŋga biə Nyɔ nya i wə.

⁹ Nyɔ kə wə wi nī bwili bukumbeyŋ, bəŋ bukumbeyŋ a bukumbeyŋ nəki nəni ki bəni bə bə kə

mbu. Wi nĩ ka fə dəkə yələ num kəm nəm widəkə bukumbeyiñ nĩ fə. A nĩ kə kəm kinsisi ki si wi nĩ fə i bukumbeyiñ, bəh shəm yi yindzəñni yə wi nĩ kañaki i bukumbeyiñ tsə dzəh i Klistus Jisəs wə, na ka mbi yisi.

¹⁰ I liə shəm yi Nyə yindzəñni yə kə bə chusi lə i bukumbeyiñ si Mbwili wibukumbeyiñ wə Klistus Jisəs kə wi dzə lə. Wi kə wi bwiñ nga bi kpi, wi chusi nəni ki ndaiñ a mi bi chu kpi kə. Ayaka wi fə yi yəñə ndaiñ num bəh ntum wi wi ndzəñni.

¹¹ Akə ntum wi ndzəñni wələ Nyə babwili mih a mih numki mi wi fukuni bəh waiñ ntum wi Klistus bəh mi wi lanini.

¹² Akə kəm yələ mih yeiñki ngəkə si mih yeiñki lə. Ayakalə, mih ngəmniki kə, kəm mih kiəki lə mi wə mih jiə shəm i wi. Ayaka mih kiə na məñni kə a wi kələ i təkni bəh gia yə mih nya i wi kañ lə,* i tsə buku i chəkə bigəksini.

¹³ Wə biəli a juu wi lanini wə wi kə wi chəñ wə mih nĩ lani wə yeiñ. Si wə biəliki yakadəiñ wə jiə shəm a i Klistus, kañə tə kiñkəñ i bəni, yichi num i dzəh yi bəni bə bə kə bə Klistus Jisəs.

¹⁴ Wə təkni bəh nlani wi ñkəñ wə bə nĩ nya i kañ ya wə. Wə təkni bəh nga bi Kiñ'waka ki Baiñni kə ki kə i bukumbeyiñ wə.

¹⁵ Wə kiəki lə a bəni bəchi bə bə kə i kimbu ki Esia wə nĩ lə bee ləə mih. I mbañ wibə wə kə Figelus bəh Eməgenes.

¹⁶ Mih tsāki a Bah kwāsi nshəiñ i juñ yi Ōnesifolus wə. Wi nĩ kəmsiki fəki lə a feiñfeiñ, bəiñsi shəm yin

* **1:12** Yudəkə a, "...Wi kələ i təkni bəh gia yə wi kə wi nya i mih kañ",

yi dæ. Wi nĩ gæmniki kə kəm nsəŋ wə mih kə yeiŋ wə.

¹⁷ Akə jəbi wə wi nĩ dzə buku i fa Lum, wi lansi nəŋ mih i tsə buku jəbi wə wi nĩ yeiŋ mih.

¹⁸ Mih tsāki a Bah fê ma a bi numki i chəkə bi bi gəksini wə, ma Bah bi kwāsi nsheiŋ i wi. Wə təksiki kiəki lə nalə nəm wichi wə wi nĩ nəm i mih i kwili wi Efesus wə.

2

Si Timoti kə i jwəki i gia yi Nyə wə

¹ Timoti waiŋ wuŋ, i kimbu ka wə, nūm ndzəŋ ayaka i shəm yindzəŋni yə Klistus Jisəs chusi i bəni bə bə chiŋni bəh wi.

² Wə dzə gia yə wə si wəkə mih dzaka i bəni bəduli nshiŋ, nyá i kaŋ yi bəni bə bə kə chəŋ num bə kpeiŋni i lani tə bəni bədəkə yeiŋ.

³ Wə dzə tə ŋ'wa ŋgəkə ka mi wi jum wi ndzəŋni wi Klistus Jisəs.

⁴ Jəbi wə mi wi jum kə i nəm wi wə, wi kəkə i chu jiəki fwu i gia yi nchiŋ bəni wə, kəm gia yə wi tseiŋki i yi wə kə i fə gia yə tikwili wi nəŋki a wi fəki.

⁵ Yi kə a liŋ ka yi mi wə wi yəkəki n'yəkə kə, wi kəkə i yəkə dzi, jəbi wə wi yəkəki biəli kə bənchi bə n'yəkə.

⁶ Mi wi khə wə wi nəmki tə bindzəŋ, akə wi wə wi kaŋaki i yisi məm fieŋ fi ninshiŋ i biə wi nĩ gbəli.

⁷ Kwāka kəm gia yə mih dzakaki lə, ma Bah ni fə wə kiə yichi.

⁸ Yĩŋti Jisəs Klistus. Wi nĩ dza i kpi wə. Wi nĩ kə mi i chwəŋkijun ki Nkuŋ Debit wə. Akə yi yə mih fukuki i ntum wuŋ wi ndzəŋni kintəŋ.

⁹ Akə kəm ntum wi ndzəŋni wələ mih yeiŋki ŋgəkə, mih num i bənsəŋ wə ka mi wə wi bwiŋki bənchi. Ayakalə, na si mih kə na i bənsəŋ wə lə, gia yi Nyə kəkə i bənsəŋ wə.

¹⁰ Si yi kə yakadəiŋ, mih bə kaŋa shəm i gia yichi wə kəm bəni bə Nyə kə wi sabibwili, ka bə tə bi kwati mbəiŋ i Klistus Jisəs bəh mbum biə bi bi kaa kə.

¹¹ Ndzaka wələ kə na wi ŋkəŋ, wi num a:
Bukumbeŋiŋ ka chiŋni kpi bukumbeŋiŋ bə,
ma bukumbeŋiŋ bi numki i nəki tə bukumbeŋiŋ bə.

¹² Bukumbeŋiŋ ka kaŋa shəm,
ma bukumbeŋiŋ bi numki i sakaki ntəŋ tə
bukumbeŋiŋ bə.

Bukumbeŋiŋ ka məŋni wi,
ma wi tə bi məŋni bukumbeŋiŋ.

¹³ Bukumbeŋiŋ ka baəŋ i num ndzəŋ,
wi ni num ndzəŋ a numni,
kəm wi kəkə i nəiŋ gwu yi.

Mi wi nəm wə Nyə bum

¹⁴ Yiŋti bə bəh gia yələ, ma wə chu dzāka i bə i Nyə nshiŋ a bə gēiŋki gēiŋni bəŋgukuli bə kəm já. Yəməka gamtiki kə mi. Yi bəkəliki lə bəni bə bə wəkəliki yi.

¹⁵ Māmsi na bindzəŋ i chusiki gwu ya i Nyə nshiŋ ka mi wə Nyə yeiŋki a wi kə chəŋ. Nūm mi wi nəm wə wi kaŋaki kə gia yə wi kə i gəmniki yeiŋ, bəh wə wi kaŋaki ŋkəŋ bi gia yi Nyə i dzəh yi chəŋ wə.

¹⁶ Wə gēiŋki bəndzaka bə bə kaŋaki kə gia yidəkə i fə bəh Nyə, kəm bəndzaka bəwə ni fə bəni nəki nəni kə Nyə kəŋki kə tsə bəh ki i ninshiŋ.

17 Bənlani bəbə bəwə kə aka biəkə yə yi dziki gwu yi mi yi yamtə a tsəni. I mbanj wi bəni bəwə kintəəj, bə bə laniki bənlani bəwə kə Imenayus bəh Filitus.

18 Bə bee lə dzəh yi ηkəj, asi bə bwanjki alə ndza wi kpi dzə lə di. Si bə fəki yakadəj, bə bəkəli kimbum ki bəni bədəkə.

19 Ayakalə, chaka kə a chəkə Nyə ki, ki kə kiləkəli, ki num fəj. Chaka kələ kə num Nyə nyaka kinchəsi ki i yej wə yi num a, “Bah kiəki lə bəni bə bə kə mbu,” bəh a, “Mi wichi wə wi bəəjki yeli wi Bah kaŋaki i bēe kimfə kichu.”

20 Junj yimbum si num bətasa bəh káh bəh bibwam biə bi kə i yej dzu, asi num kə a biəj biə bə kejnsi bəh chwaka ki kpə ki bəkəli nabə ki fukuli. Bidəkə si num tə biə bə kejnsi bəh kej, bidəkə num bə kejnsi bəh fiəj. Biəj biələ si num biə bi kaŋaki nəm wimbum, bidəkə num biə bi kaŋaki nchj nəm.

21 Ayakadəj, mi ka bwili kaŋ i biəj biə bi kaŋaki nəm wi kilələ, yaka wi ni numki aka fiəj fi dzu fiə bə kə dzə i fəki nəm wimbum yej. Wi ni fiəni num ka mi wə Nyə kə wi fə a, akə mi wi ηgəj. Wi kə mi wə wi wəkəliki tikwili wi a wi dzə wi i fəki na winəj nəm wi ndzəjni yej.

22 Ayakadəj, yəkə gəj mfiə yəkəni nəni kinyəj kə sumi si kəj. Wə məmsi mfiə i nəki num nəni ki chəj bəh i kaŋaki bumni bəh kiŋkəj bəh kimbəjni. Wə fə ayakadəj asi bəni bə bə bəəjki tə yeli wi Bah bəh shəm yibə yi baijni fəki.

23 Kiə wə ma kəŋaki gia yidəkə i fə bəh bəŋgukuli bə kiyuj bəh bə kilələ, kəm yi si dzə a bəh n'yəli.

24 Ayaka mi wi nəm wə wi kə wi Bah kaŋaki kə

i yêliki bəh bəni. Wi kaŋaki i kâŋaki num shəm yindzəŋni i mi wichi, a num mi wə wi kîaki i lâni bəni, kîa tə i kâŋaki shəm bəh bəni.

²⁵ Wi si lumsi gia i kimbəiŋni wə bəh bəni bə bə gukuliki bəh wi. Wi si lumsi yaka bəh kiŋkwaka a yuwidəkə Nyə kələ i gâmti bə ma bə kwuni shóm yibə i kîa gia yə yi kə yi ŋkəŋ,

²⁶ ka bə bəəŋ mfi bibə, i gəiŋ buku i kintaŋ ki ŋkpəli kə wi kə wi kwa bə yeiŋ ka bə fəki a gia yə wi kəŋki.

3

Gia yi gumini bi numki lə i chəkə bi gəksini wə

¹ Kîa a, a bi numki i kaŋ yi gəksini wə, gia yi gumini yimbum bi numki lə.

² Bəni bi dza bə kəŋki num a gwu yibə, kəŋ kpə, ghaŋsi gwu, chusi gwu, dzaka ja yichu kəm bəni bədəkə. Bə bi chu wəkə kə i bətii bəh bənih bəbə, chu nya kə kiyəŋni i gia yidəkə wə, chu kaŋa kə nəni ki baiŋni.

³ Bə bi kwasiki kə nshəiŋ i bəni, chu dalinya kə tə kiŋgbə ki bəni bədəkə. Bə bi bəkəliki kiyeli ki bəni, chu kîa kə i təkni ki bəh gwu yibə. Bə bi kaŋaki nəni ki gumini, chu kəŋ kə gia yindzəŋni.

⁴ Bə bi numki dzi minəŋ kəm bəni, nə nəni ki dzali, num bə jikə bəh kiŋghaŋsi ki gwu. Bə bi kəŋki a i dziki kidəəŋ kibə yiŋni kəŋ kə lə Nyə.

⁵ Bə bi chusiki a bə numki lə i gia yi Nyə wə, ayakalə chu nəiŋ ŋga bi gia yi Nyə yiwə. Wə gəiŋ bəmaka bəni.

⁶ Bəni bədəkə bələ kə bə bə nyaniki liəki i júŋ yi bəni wə kaŋa ŋga i bəkaŋa bə bə bəhki num chu jikəli bə, bə njeŋ biəli kiŋkəŋ ki biəiŋ chi chi.

⁷ Bələ bəkaŋa kə bə bə shi kə a wəkəliki nlani jəbi wichi, ayakalə kəbi i lansi kiə gia yə yi kə yi ŋkəŋ.

⁸ Si Janis bəh Jambles nī waliki Muses, yi kə a liŋ si bəni bələ waliki ŋkəŋ bi Nyə. Akə bəni mfi bibə təŋsi lə, shóm yibə yə bə dzakaki a bə jiə i Klistus wə kə a ntəkə.

⁹ Ayakalə, bə ni fə kə yakadəiŋ i tsə buku i dzəh yi dəəŋ, kəm kiyuŋ kibə bi yəŋəki lə tə i bəni bəchi wə asi bi Janis bəh Jambles nī yəŋə.

Bəal təfi Timōti a wi nūm a i gia yə bə lani wi yeiŋ

¹⁰ Timōti i wə, wə si kiə lə kəm nlani wuŋ bəh nəni kəŋŋ bəh gia yə mih nəŋki i nəni kəŋŋ wə. Kiə tə kəm shəm yə mih jiə i Nyə bəh shəm yi kaŋani yə mih kaŋaki, bəh kiŋkəŋ kə mih kaŋaki i bəni, bəh si mih si məmsi i gia yichi wə tsə a ninshiŋ.

¹¹ Wə kiəki lə tə mbwan gvu wə bəni bwanŋki i mih cheiŋ bəh bəŋgəkə mbəŋ. Wə kiə gia yə yi nī num bəh mih i Antiək bəh Ikəniūm bəh i Lista. Wə kiə ŋkaiŋni wi mbwan gvu wə bəni nī bwanŋki i mih cheiŋ. Ayakalə, i bəŋgəkə bələ wə bəchi kə num Bah nī bwili mih.

¹² Yi kə ŋkəŋ a mi wichi wə wi nəŋki i nəki nəni kə Nyə nəŋki ka mi wə wi kə wi chiŋni lə bəh Klistus Jiśəs kə bə bə bi bwanŋki gvu i bə cheiŋ.

¹³ Bəni bə bə məmyiki gia yichu bəh bəni bə fwəkyini, kə num nəni kibə ni fəki tsəki a tsəni si bə fwəkyi bəni bədəkə, fwəkyi tə gwu yibə.

¹⁴ Ayakalə, i kimbu ka wə, nūm mfi a gia yə bə lani wə yeiŋ wə bum yi bəh shəm ya yichi. Nūm a yi wə kəm wə kiəki lə bəni bə bə nī lani wə bəh yi.

¹⁵ Wə nī yisi i kiəki gia yələ bə nyaka i Kiŋwakti ki Nyə wə, wə keiŋ waiŋ wi nchiŋ. Gia yələ kə yə yi kə

i tæfi wə a wə kwati mbəiŋ yeiŋ tsə dzəh i shəm yə wə jiə i Klistus Jisəs wə.

¹⁶ Gia yichi yə bə nyaka i Kiŋwakti ki Nyə wə kə num mfi biwə buku i Nyə wə. Ayaka yi gamti i laniki bəni yeiŋ, chūsi kiŋgbə, lūmsi bəni, lāni bəni bəh nəni ki chəŋ,

¹⁷ ka mi wə wi kə mi wi Nyə numki num wi kpəiŋni, kaŋa biəiŋ bichi i fəki nəm wi ndzəŋni wichi yeiŋ.

4

Bəəl tæfi Timōti a wi fəki nəm wi bindzəŋ

¹ Mih dzakaki yələ i wə i Nyə nshiŋ bəh i Klistus Jisəs wə wi bi sakaki bəni bə bə kə bəwəm bəh bə bə kə num bə kpiyi lə. Mih dzakaki lə kəm bə ntumbuku wə wi bi tumbuku bəh kəm ŋkuŋ bi, mih dzakaki a,

² wə fūkuki gia yi Nyə. Fūku tsə a bəh yi i ninshiŋ, kəŋ a numki i jəbi wi ndzəŋni wə nabə i jəbi wichu wə. Wə chūsi kiŋgbə ki bəni, lūmsi bə, shīli shóm yibə bəh shəm yi kaŋani bəh nlani ŋ'wa.

³ Kīə a jəbi dzəki lə wə bəni bi chu num kə i nlani wi chəŋ wə. Bintuni bibə bi fwuki lə i wəkə num gia yidəkə chi chi. Bə bi ka nəŋ bəni bə lanini bəduli bə bə laniki num gia yə bə kəŋki i wəkəki.

⁴ Bə bi bee lə i wəkəki gia yi ŋkəŋ, yəkə nnyâ num i bichum bi ntəkə cheiŋ.

⁵ Ayakalə, i wə, lūmsi fwu wa chəŋ jəbi wichi, kâŋa shəm i bəŋgəkə ba wə, fə nəm wi mi wə wi nyaniki fukuki nnyaki gia yi Nyə. Fə nəm wa wichi wə bə nya i wə.

⁶ I mih, mih si num lɔ i liə aka mbih, ayaka jɔbi kpeɪŋ lɔ ka bə ni dzɔ mih bə fə bəh mih ka mbih mə bə si kwuŋ. Jɔbi kpeɪŋ wə mih kɔ i kwɛ yeɪŋ.

⁷ Mih jwɔ lɔ njwɔ wi ndzɔŋni i gia yi Nyɔ wə, ka kaasi n'yɔkɔ wuŋ, kaŋa baan a bumni biŋ wə.

⁸ I yisi i liə kɔ num bə jiə lɔ kifɔ kəŋŋ ki ŋkuŋ kə akɔ ki nɔni ki chəŋ. Kifɔ kələ num kə Bah wə wi kɔ mi wə wi sakaki bənsaka chəŋ bi bwan i fwu wuŋ wə i chəkɔ bi gɔksini wə. Wi bi bwan kə a ŋkəŋŋ shəŋ. Wi bi bwan tə ki bəni bəchi bə bɔ wəkəliki bəh kiŋkəŋ a wi fɪni dzê.

Bɔɔl fuku si gia kɔ i kimbu ki wə

⁹ Timōti, mɔmsi na bəh ŋga i dzê bŭku i mih wə wakli.

¹⁰ Kɪa a Demas kɔ num wi kəŋ lɔ mbi wələ i liə, ka lɔɔ bee mih ka tsə i Tesalɔnika. Klesens num wi tsə i Galəshia, Taytus tsə i Dalmatia.

¹¹ Akɔ a Luk shəŋ wimbəŋ wə wi kɔ buku wi. Jɔbi wə wɔ bə dzə, wɔ dzê Maak mbəiŋ wi dzê. Wi kələ i gamtiki mih i nɔm wə nalə.

¹² Tichikus kɔ num mih faan wi i Efesus.

¹³ Jɔbi wə wɔ bə dzə, wɔ dzê mbuŋ wuŋ wimbum wə mih nɪ jiə i Kabus dzu i kwilɪ wi Tɔwas wə. Ayaka wɔ dzê tasi tə bəh biŋwakti mbiŋ, kighə biə bə kəiŋsi bəh dzú yi nyam.

¹⁴ Aleksanda wə wi biəŋki biəiŋ, wi fə mih bəh ŋgəkə wi ləkəli wi kəbi wi twesi. Bah bi gəm lə wi i kimfə ki wə.

¹⁵ Wɔ tə tɔkniki bəh wi. Kɔm wi waliki lə na bəh ŋga, gia yə bukumbeɪŋ fukuki.

¹⁶ I nsaka wuŋ wə, a nɪ kɔ i chəkɔ bi ninshiŋ biə mih nɪ num i kintaiŋntaiŋ ki sakani mə mi widəkɔ

nĩ ka num dəkə i mih cheiŋ. Bəni bəchi nĩ kə bə yəkə gəiŋ mih. Kiə Nyə bi ma sáka bə i gia yiwə wə.

¹⁷ Ayakalə, Bah nĩ kə wi num i mih cheiŋ, nya mih bəh ŋga i fuku ntum windzəŋni nalə ka bəni bəchi bə bə kəkə Bəju wəkə ntum wiwə. Ayakadəiŋ, wi nĩ bwili mih i dzaka ki bikem wə.

¹⁸ Bah ni bwiliki lə mih na i yinaiŋ gia yichu wə, i tsə buku jəbi wə wi bi bəiŋsiki dzəkə mih i ŋkuŋ bi bi beiŋ wə i kimbəiŋni wə. Bukumbəiŋ tūmki bikum bi jəbi wichi kiŋgəksi kəbi. Yi nūm ayaka.

Bəmbəni

¹⁹ Bəni Blisilia bəh Akpwila i mih. Bəni tə juŋ yi ŋnesifəlus.

²⁰ Elastus nĩ baŋ i Kələn, ayaka Təfimus num mih nĩ bəe wi i Miletus wi gwəiŋ.

²¹ Məmsi na bəh ŋga i dzə na ka jəbi wi fiəkə yiləkəli ni yisiki. Yubulus faŋki kimbəni i wə. Budens bəh Linus bəh Klawdia bəh bwa bə nih bəbukumbəiŋ bəchi i Klistus wə faŋki tə kimbəni.

²² Mih tsāki a Bah nūmki bəh kiŋ'waka ka. Ma kiŋkəŋ ki Bah nūmki bəh mbəiŋ bəchi.

**Kinwakti ki Nyɔ Minƙaiŋ Mifian
Chungmboko: Kinwakti ki Nyɔ Minƙaiŋ Mifian (New
Testament+) for Cameroon**

copyright © 2021 Wycliffe Bible Translators, Inc.

Language: Chung (Cung)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 22 Dec 2025 from source files dated 1 May 2025

ff8b447d-0e78-5782-840d-48c27035a093